



## **KOMUNIKADO PA PRENSA**

*Fecha*

14 ougùstùs 2017

*Kolaboradó di Maneho*

Jahaira Nahr

*Email*

[jahaira.nahr@gobiernu.cw](mailto:jahaira.nahr@gobiernu.cw)

### **Pa hisa e seguridat den tráfiko den e área, krusada Regentesselaan - Magrietlaan ta bira krusada elevá**

Willemstad - Djarason 16 di ougùstùs e trabounan pa hasi e krusada Regentesselaan/Magrietlaan un krusada elevá ta kuminsá. Obra Públiko ta responsabel pa ehekushon di konstrukshon di e krusada elevá aki ku ta den man di Curaçaose Wegenbouw Maatschappij (CWM). E trabounan tin un durashon di dos siman i durante e periodo aki tin algun desviashon di tráfiko pa tene cuenta kune den e área.

Segun e trabounan ta tuma lugá, e krusada lo no ta aksesibel pa tráfiko ounke tur bibienda i estableimentu komersial si ta keda alkansabel. Outomobilistanan ku ta trafiká den e área mester hasi uso di kayanan prinsipal manera Schottegatweg Noord i Kaya Dominico 'Don' Martina (ántes Emancipatie Boulevard òf Nieuwe Haven). Esnan ku ta bishitá SOV Asiento i otro instansianan riba Rust en Burghlaan por pasa via Regentesselaan/Asiento. Tambe tin diferente indikashon pa guia outomobilistanan yega na nan destinashon den e área.

Krusadanan elevá tin e proposito di hisa e seguridat den tráfiko. Pa e krusada aki tambe esei ta e kaso. Obra Públiko ta pidi outomobilistanan pa kore ku koutela den e área na momentu ku e trabounan ta tuma lugá durante dia. Si tur kos kana segun plan e trabounan ta finalisá den e último siman di e luna di ougùstùs.